

SARS e tshwaya Letsatsi la Matjhaba la di-SMME ka tshehetso ya naha ka bophara ya dikgwebo tse nnyane

Tshwane, 19 Phuptjane — Ditshebeletso tsa Lekgetho tsa Afrika Borwa (SARS) di tla tshwaya Letsatsi la Matjhaba la Dikgwebo tse Nnyane, tse Mahareng le tse Nnyanennyane (SMME) ka lenaneo la naha ka ho toba leo sepheo ka lona e leng ho ntlafatsa tshehetso ya dikgwebo tse nnyane, le ho ananela tema ya tsona kgolong ya ikhonomi le boikobelong ba tefo ya lekgetho.

Jwalo ka karolo ya boiteko bona, SARS e tla ba le diketsahalo tsa bohlokwa tse mabapi le sena ho tloha ka la 23 ho isa ho la 26 Phuptjane mane Kapa Botjhabela le Bophirima, ho bapa le ho anetswa ha sena ka nako ya Beke ya Tshehetso ya di-SMME ho tloha ka la 22 ho isa ho la 26 Phuptjane ho phatlalla le diprovense tsohle. Ka nako ena, SARS e tla ba teng ka seko ho fana ka thuso ho di-SMME, ho akareditswe le ngodiso ya lekgetho, boitlamo ba boikobelo, mmoho le tshebediso ya dikanale tsa dijithale tse etseditsweng ho bebofatsa boikobelo le ho etsa hore bo fihlellehe.

Di-SMME di bohareng ba boiphumanohape ba ikhonomi le kgolo ya Afrika Borwa. SARS e ananela kabelo ya tsona e seng feela ho tsa ho hlolwa ha mesebetsi empa le ho bolokweng ha motheo wa pokello ya lekgetho la naha. Tema ya SARS ke ho fana ka tlhakisetsa le nnetefaletsa mmoho le ho etsa hore dintho di be bonolo bakeng sa dikgwebo tse nnyane ho ikobela boitlamo ba tsona le ho ba le seabo ka botlalo ikhonoming. Ka lenaneo la tsona la sekwalekwale, SARS e mothating wa ho aha mokgwatshebetso wa lekgetho o bohlale, o fihlelehang le o akaretsang dikanale tsa dijithale mmoho le tshehetso dibakeng tseo batho ba leng ho tsona ho fokotsa ditjeo le botshopodi ba boikobelo. Beke ya Tshehetso ya di-SMME ke tsela ya ho bontsha boitlamo bona.

SARS e tla lebisa ditshebeletso tsa yona mathuleng a balefalekgetho le hore letsholo lena le tla boela le akaretsa mananeo a mang a thuto makaleng a mang a di-SMME, ka tsepamiso ya maikutlo hodima ho ntlafatsa kutlwisiso ya boitlamo ba lekgetho le ho phahamisa tshepo hodima mokgwatshebetso wa lekgetho. Khomeshenara ya SARS Ngaka Makhubu o itse “Re tlisa ditshebeletso tsa SARS baahing ho phatlalla le naha ho qala ka ho qolleha mane Kapa Botjhabela le Bophirima, ho bapa le diketsahalo tse ding tse tla beng di etsahala diprovenseng tse ding. SARS e kgothaletsa di-SMME tsohle ho sebedisa monyetla ona ho buisana ka kotloloho le bahlanka ba SARS, ho fihlella ditshebeletso, le ho nnetefatsa hore ba dula ba ikobela boitlamo ba bona ba tefo ya lekgetho.”

Letsatsi la Matjhaba la SARS la di-SMME – Diketsahalo tse ka Sehloohong

SARS e tla ba le lethathama la diketsahalo tsa ho keteka Letsatsi la Matjhaba la Dikgwebo tse Nnyane, tse Mahareng le tse Nnyanennyane (SMME), tseo sepheo ka tsona e leng ho tshehetsa dikgwebo tse nnyane ka thuto ya tsa lekgetho mmoho le tataiso ya tsa boikobelo.

Lethathama la Diketsahalo:

- **Kapa Bophirima**

Letsatsi: Mantaha, 22 Phuptjane 2026

Nako: 09:00 – 13:00

Sebaka: Avondale Hall, Atlantis

Letsatsi: Labobedi, 23 Phuptjane 2026

Nako: 09:00 – 15:00

Sebaka: Parow Minor Hall, Glenlily

- **Kapa Botjhabela**

(Gqeberha)

Letsatsi: Labone, 25 Phuptjane 2026

Nako: 09:00 – 15:00

Sebaka: SARS Building (Corner of St Mary's Terrace and John Kani)

- **Queenstown**

Letsatsi:: Labone, 25 Phuptjane 2026

Nako: 09:00 – 15:00

Sebaka: Tobi Kula Indoor Sports Centre

Ho fumana lesedi le fetang lena, ikopanye le SARSMedia@sars.gov.za.